

ԿԱՌՈՒՑՎԱԾՔԻ, ԱՐՏԱՑՈՒՄԱՆ, ՏԱՐԱԾՈՒԹՅԱՆ ՈՒ ԺԱՄԱՆԱԿԻ
ՄԻԱՍՆՈՒԹՅՈՒՆԸ

ՀԱՄԼԵՏ ՍԱՀԱԿՅԱՆ

Ժամանակակից գիտությունը շատ խորն է թափանցում մատերիայի կառուցվածքի մեջ, բազմակողմանի է ճանաչում իրական օբյեկտների, երևույթների և պրոցեսների փոխկապակցություններն ու փոխազդեցությունները, էջավելի խոր է բացահայտում կառուցվածքի (ստրուկտուրայի), արտացոլման, տարածության և ժամանակի միասնությունը:

Մատերիայի համընդհանուր հատկությունը՝ արտացոլումը, իրականա-նում է մատերիալան կապով, որը դրսևորվում է փոխազդեցության միջոցով: Արտացոլումն անխզելիորեն կապված է փոխազդեցության հետ¹: Նրա իրա-կանացման համար անհրաժեշտ է մատերիական կառուցվածքների փոխազ-դեցություն: Կառուցվածքների փոխազդեցության հետևանքով առաջանում է նոր կառուցվածք, որտեղ նրանք հանդես են գալիս որպես նորի տարրեր և արտացոլվում մեկը մյուսի մեջ: Դրա շնորհիվ արտացոլումը ձևեր է բերում կառուցվածքայնություն: Կառուցվածքի և արտացոլման միջև առաջանում է անխզելի կապ: Այդ կապի մեջ արտացոլվող և արտացոլող տարրերը կարող են կամ որակապես փոխվել, կամ՝ մասամբ: Այս փոխարտացոլումը և փոփոխու-թյունը հաստատում են աշխարհի միասնությունը՝ Վ. Ի. Լենինը դրում է. «...զարգացման համընդհանուր սկզբունքը պետք է միացնել, կապել, համա-տեղել աշխարհի, բնության, շարժման, մատերիայի etc. միասնության համ-ընդհանուր սկզբունքի հետ»²:

Արտացոլումն այնպիսի պրոցես է, որտեղ կառուցվածքի տարրերից մեկը կարող է հանդես գալ որպես գերակշռող: Այդ դեպքում այն դառնում է մյուս տարրի փոփոխության պատճառը կամ երկուսն էլ իրար մեջ արտացոլվում են միատեսակ: Այս դեպքում էլ կառուցվածքի տարրերը կարող են փոփոխվել, փոխակերպվել և ոչնչանալ: Սա մատերիայի հավիտենական հատկությունն է, պրոցեսը: Այդ հավիտենական պրոցեսում բացահայտվում են կառուցվածքի, արտացոլման, տարածության ու ժամանակի անխզելի կապը և միասնու-թյունը:

Մատերիական իրականության մեջ բոլոր կառուցվածքներն առաջանում և գոյություն ունեն շնորհիվ այն բանի, որ ունեն տարածության ու ժամանակի հատկություններ՝ տարածականություն, ժավալ, մակերես, տեղություն, ռիթմ, հատված, սահման: Արտացոլումն էլ իրականանում է հենց այս հատ-կությունների առկայությամբ: Այս հատկությունների գոյության դեպքում են դրսևորվում արտացոլման ակտիվությունը, ընտրողականությունը, տեղակա-

¹ С. Н. Смирнов, Диалектика отражения и взаимодействия в эволюции мате-рии, М., 1974, стр. 10.

² Վ. Ի. Լենին, Երկեր, հ. 38, էջ 321:

նությունը և այլն: Մենք, իհարկե, արտացոլումը չենք հանգեցնում տարածության ու ժամանակի հատկություններին, այլ միայն ընդգծում ենք կառուցվածքի մեջ տարածության ու ժամանակի հատկությունների և արտացոլման միասնությունը: Այդ հաստատելու համար բերենք մի քանի օրինակներ: Քիմիական տարրերը՝ թթվածինը և ջրածինը, կարող են փոխազդել և միմյանց արտացոլել այն դեպքում, երբ առկա է դրա համար անհրաժեշտ տարածության ու ժամանակի որոշակի հատված: Ատոմի միջուկի մասնիկները՝ նեյտրոնները և պրոտոնները, կազմում են միջուկը այն դեպքում, երբ նրանց միջև կա 10^{-13} սմ տարածությամբ հատված, որից շեղվելու դեպքում փոխազդեցություն, հետևաբար արտացոլում չի կարող: Վերը նշված մասնիկները փոխազդում և արտացոլվում են 10^{-23} վրկ ժամանակի հատվածում, որի ընթացքում պրոտոնները փոխակերպվում են նեյտրոնների, իսկ նեյտրոնները՝ պրոտոնների: Առարկայի արտացոլումը ֆոտոթղթի վրա հստակ է այն ժամանակ, երբ պահանջվում է տարածության ու ժամանակի համապատասխան հատված:

Իրականության մեջ բոլոր փոխազդեցությունները մատերիական են: Դա նշանակում է, որ կառուցվածքները փոխանակում են էներգիա և մասսա: Հետևաբար, արտացոլումը ևս, որը անխզելիորեն կապված է փոխազդեցության հետ, մատերիական է: Կառուցվածքները միմյանց արտացոլելու ժամանակ հաղորդում են ոչ միայն մասսա և էներգիա, այլև ձև, տարածության ու ժամանակի հատկություններ և այլն: Տարածության ու ժամանակի հատկությունները արտացոլվում են կառուցվածքի, նրա տարրերի հետ միասին, որպես նրանց հատկություններ: Տվյալ հատկությունների առկայության դեպքում արտացոլվող կառուցվածքը վերակառուցվում է իր ներքին բնույթին համապատասխան: Սակայն այդ կախված է նաև արտացոլվողի կառուցվածքից, նրա տարածության ու ժամանակի և այլ հատկություններից: Այստեղ հանդես է գալիս ինչպես արտացոլողի, այնպես էլ արտացոլվողի ակտիվությունը: Բայց նրանց ակտիվությունը դրսևորվում է տարբեր կերպ. արտացոլողը ընդունում է արտացոլվողի հատկությունները, իսկ վերջինս ակտիվորեն ներգործում է առաջինի վրա այնպես, որ նրա մեջ առաջ է բերում տարբեր հետևանքներ ունեցող փոփոխություններ: Օրինակ, Արեգակի լույսը արտացոլվում է բույսի մեջ և նպաստում կա՛մ նրա զարգացմանը, կա՛մ քայքայմանը:

Ակտիվ արտացոլման ժամանակ կառուցվածքներից մեկը կա՛մ երկուսն էլ որակական փոփոխություն են կրում: Օրինակ, էլեկտրոնը և պոզիտրոնը արտացոլվելով մեկը մյուսի մեջ, փոխակերպվում են զույգ ֆոտոնների և հակառակը: Կառուցվածքների փոխներգործությունը և արտացոլումը մատերիայի համընդհանուր հատկությունն է: Եթե դա այդպես չլիներ, ապա չէր լինի բարդացում, նորի առաջացում: Վոլտերգործությունը բացառում է ամեն մի բացարձակ առաջնայինն ու բացարձակ երկրորդայինը, բայց միևնույն ժամանակ դա մի այնպիսի երկկողմանի պրոցես է, որն իր բնույթով կարող է դիտվել երկու տարբեր տեսակետներից. այն իբրև ամբողջություն հասկանալու համար նույնիսկ անհրաժեշտ է հետազոտել առանձին-առանձին, նախ՝ մեկ, այնուհետև՝ մյուս տեսակետից, որից հետո հնարավոր կլինի ամփոփել ընդհանուր արդյունքը՝ գրում է Ֆ. էնգելսը:

Ֆ. էնգելս, *Բնության դիալեկտիկա*, Երևան, 1957, էջ 167:

Կառուցվածքում տարրերի արտացոլման ակտիվությունը հանդես է գալիս նաև նրանց փնտրողականության մեջ: Փնտրողականության պրոցեսում տեղի է ունենում նաև արտացոլման բարդացում, որը կարող է հանգեցվել զարգացման կամ քայքայման: Փնտրողականությունը հատուկ է ամբողջ մատերիալին, բայց կենդանի և անկենդան բնության մեջ այն հանդես է գալիս տարբեր ձևով: Արտացոլման ակտիվությունը և փնտրողականությունը կախված են կառուցվածքի կազմակերպվածության մակարդակից, նրա տարածության ու ժամանակի հատկություններից: Կառուցվածքի բարդացման շնորհիվ բարդանում են նաև տարածության ու ժամանակի հատկությունները: Բարդ կառուցվածքին հատուկ է համամասն արտացոլումը, որը իր հերթին պայմանավորում է տվյալ կառուցվածքի գոյությունը և զարգացումը: Մյուս կողմից, կառուցվածքը և արտացոլումը նպաստում են տարածության ու ժամանակի հատկությունների հանդես գալուն: Դա նշանակում է, որ յուրաքանչյուր կառուցվածք և արտացոլում պետք է ունենան տարածության ու ժամանակի որոշակի հատկություններ: Դրանք առանց մեկը մյուսի գոյություն ունենալ չեն կարող և կազմում են դիալեկտիկական միասնություն:

Արտացոլման ակտիվությունը հանդես է գալիս երկու ձևով՝ ներքին և արտաքին: Ներքին արտացոլման ժամանակ կառուցվածքը ներքուստ ակտիվորեն արտացոլում է ինքն իրեն: Դա տեղի է ունենում տարածության ու ժամանակի որոշակի հատվածի առկայության դեպքում: Կառուցվածքի տարրերի միջև ակտիվ արտացոլումը նրա գոյության և փոփոխության հիմքն է: Դա բոլոր մատերիական կառուցվածքների անհրաժեշտ հատկությունն է: Կառուցվածքի տարրերի ակտիվ արտացոլումը նաև նրա և՛ ինքնակայունության, և՛ ինքնակարգավորման, և՛ ինքնագործունեության, և՛ ինքնակործանման հիմքն է: Կառուցվածքի կայունությունը և փոփոխությունը պայմանավորված են ոչ միայն արտացոլմամբ, այլև տարածության ու ժամանակի հատկություններով: Կայուն արտացոլումը կապված է տարածության ու ժամանակի հատկությունների հաստատուն լինելու հետ, իսկ վերջիններս այդպիսին են արտացոլման կայունության շնորհիվ: Արտացոլումը, տարածությունը և ժամանակը դիալեկտիկորեն պայմանավորում են միմյանց: Բայց դա տեղի է ունենում ոչ թե ինքն իրեն, այլ կառուցվածքի միջոցով: մյուս կողմից էլ կառուցվածքը կայուն է, քանի որ ունի կայուն արտացոլում, տարածության ու ժամանակի հատկություններ: Հետևաբար, կառուցվածքը, արտացոլումը, տարածությունը և ժամանակը կազմում են դիալեկտիկական միասնություն, այսինքն՝ կառուցվածքը հանդես է գալիս իր հատկությունների միասնության մեջ, որը հատուկ է բոլոր մատերիական կառուցվածքներին, սկսած ամենապարզից մինչև ամբողջական մատերիան: Անվերջանալի մատերիան ունի անվերջանալի կառուցվածք, որտեղ բոլոր կառուցվածքները վերջավոր են և հանդիսանում են նրա տարրերը: Մատերիայի կառուցվածքը ունի անվերջանալի տարածություն, ժամանակ և արտացոլում:

Կառուցվածքի փոփոխությունը նույնպես պայմանավորված է արտացոլմամբ, տարածությամբ ու ժամանակով: Այսինքն՝ կառուցվածքը ինքն իր մեջ փոփոխություն է կրում, որը իր հերթին առաջ է բերում տարածության ու ժամանակի փոփոխություն: Այդ փոփոխությունները, ի վերջո, հանգեցնում են կառուցվածքի փոխակերպմանը, կառուցվածքի կործանմանը: Դա մատերիալի անվերջանալի պրոցես, շարժում է:

Կառուցվածքում, ինչպես տեսանք, տեղի է ունենում անընդհատ արտա-
ցում, որի ժամանակ տարրերը փոխանակում են էներգիա և մասսա, այ-
սինքն՝ արտացոլումը ընթանում է մատերիական փոխանակման հիմքի վրա:
Այդ փոխանակումը կարող է տեղի ունենալ այն դեպքում, եթե կա անհրաժեշտ
մեծություն՝ տարածության ու ժամանակի հատված: Այս դեպքում կառուց-
վածքը հանդես է բերում նաև իր արտաքին ակտիվ արտացոլումը: Այդ ժա-
մանակ կառուցվածքի յուրաքանչյուր տարր կարելի է դիտել որպես ինքնու-
րույն կառուցվածք, որը գտնվում է այդ միջավայրում: Կառուցվածքի միջա-
տարրը և միջավայր տարրը: Կառուցվածքը վերը բերվածից տարբերվում է
նրանով, որ վերջինիս տարրերը հավասարաբեռն չեն՝ միջավայրը կարող է
հանդես դալ բազմատեսակ ձևերով: Այս դեպքում էլ միջավայրի և առան-
ձին տարրի միջև տեղի է ունենում փոխազդեցություն և արտացոլում: Այս-
տեղ ևս մենք գործ ունենք կառուցվածքի հետ, որի տարրերն են առանձին
տարրը և միջավայր տարրը: Կառուցվածքը վերը բերվածից տարբերվում է
նրանով, որ վերջինիս տարրերը հավասարաբեռն չեն՝ միջավայրը կարող է
լինել անվերջ մեծ, իսկ առանձին տարրը՝ փոքր (օրինակ, հասարակությունը
որպես միջավայր, իսկ մարդն այդ միջավայրում որպես տարր, մարդը՝ բնու-
թյան մեջ, էլեկտրոնը՝ էլեկտրական դաշտում, բջիջը՝ օրգանիզմում, գալակ-
տիկան՝ մետագալակտիկայում և այլն): Առանձին տարրի ակտիվությունը
միջավայրի նկատմամբ արտաքին է: Այն կախված է ա) հենց իր տարրից,
բ) միջավայրից, գ) տարածության ու ժամանակի հատվածներից: Առաջին
դեպքում ակտիվությունը պատկանում է տարրի կառուցվածքին: Ներքնապես
ակտիվ կառուցվածքը արտաքինապես էլ ակտիվ է: Դա նշանակում է նաև, որ
տարրը, ընդունելով միջավայրի արտացոլումը, նախ վերամշակում է այն
և ապա ազդում միջավայրի վրա: Այն ընդունում է արտացոլումը, քանի որ
ինքն էլ շարժվող և փոփոխվող կառուցվածք է: Ըստ Հեգելի՝ «օբյեկտը ինչ-որ
անշարժ բան չէ, մի բան, որի մեջ տեղի չի ունենում ոչ մի պրոցես»⁴: Այս-
պիսով, կառուցվածքի ներքին ակտիվությունը անխզելիորեն կապված է և
պայմանավորում է նրա արտաքին ակտիվությունը: Կառուցվածքի այդ երկու
կողմերը գտնվում են դիալեկտիկական միասնության մեջ: Այդ միասնության
շնորհիվ արտաքին արտացոլումը առաջացնում է «հետքեր», որոնք կարող
են ա) փոփոխել կառուցվածքը, բ) ոչ մի նշանակություն չունենալ կառուց-
վածքի համար, գ) պատահական լինեն, բայց նրանց հաճախակի կրկնումը
կարող է որոշիչ լինել կառուցվածքի համար, դ) անհետանալ ներգործությու-
նը վերանալուց հետո:

Արտացոլման «հետքերը» արտացոլողի մեջ գտնվում, կուտակվում
են և առաջանում է այնպիսի վիճակ, երբ կառուցվածքը փոխակերպվում է մեկ
այլի կամ կործանվում է: Այդ դեպքում «հետքերի» գումարման և փոխա-
կերպման պրոցեսը ենթարկվում է քանակական փոփոխություններից որա-
կականին անցնելու օրենքին: Այն ենթարկվում է նաև հակադրությունների
միասնության և պայքարի օրենքին: «Հետքերի» գումարի մեծացումը առա-
ջացնում է կառուցվածքի տարրերի միջև հակասությունների մեծացում: Այն
հանգեցնում է նրանց միասնության թուլացմանը և կարող է ունենալ տար-

⁴ Гегель. Соч., т. I, М., 1930, стр. 306.

բեր հետևանքներ: Վերջապես, արտացոլման «հետքերի» մեծացումը ենթարկվում է բացասման բացասման օրենքին:

Արտացոլվողի հատկությունները արտացոլողի մեջ կարող են հանդես գալ տարբեր ձևերով, միջոցներով: Օրինակ, Արևի ճառագայթները երկրագնդի վրա արտացոլվում են նաև որպես հյուսիսափայլ: Ավտոմեքենայի հաշվիչը արտացոլում է հեռավորությունը թվերով: Մարմնի կազմավորման ժամանակ նրա մեջ արտացոլվում է երկրագնդի ձգողականության և պտույտի ազդեցությունը: Բացի այդ, բույսերի ձևի կազմավորման մեջ արտացոլվում են միևնույն ուղղությամբ ազդող օդային և ջրային հոսանքները և այլ պատճառներ: Այդ բոլոր արտացոլումները դրսևորվում են մարդու, կենդանու, բույսերի, կառուցվածքների տարածության ու ժամանակի և այլ հատկությունների ու կողմերի ձևով: Ոչ բոլոր բույսերն են ուղիղ, ոչ բոլոր մարդիկ՝ ունեն ներդաշնակ կառուցվածք և այլն: Միջավայրը կարող է ունենալ դրական և բացասական հետևանք: Առաջին դեպքում միջավայրի ազդեցությունը դրական է ազդում կառուցվածքի ձևավորման և զարգացման վրա: Այն ակտիվ կերպով արտացոլում է միջավայրի գործողությունը, տարածության ու ժամանակի հատկությունները: Դրական միջավայրի ազդեցությունը բարենպաստ ազդեցություն է ունենում կառուցվածքի ձևավորման, տարածության ու ժամանակի հատկությունների վրա, ավելի ճիշտ՝ կառուցվածքի կազմավորումը և նրա տարածության ու ժամանակի հատկությունները միջավայրի հետ հարաբերականորեն համընկնում են, այսինքն՝ արտացոլողը և արտացոլվողը ունեն միևնույն ուղղությունը: Մեկ այլ դեպքում միջավայրը բարենպաստ չէ կառուցվածքի ձևավորման և զարգացման համար, այլ կերպ ասած՝ նրանց ուղղությունները տարբեր են: Այս դեպքում արտացոլողը ոչ միայն չի դրսևորում ակտիվ արտացոլում, այլ ընդհակառակը՝ ակտիվորեն դիմադրում է միջավայրին, որը հանդես է գալիս նաև կառուցվածքի տարածության ու ժամանակի հատկությունների բնույթի մեջ: Բայց, չնայած այդ գիմադրությանը, արտացոլվող միջավայրը ինչ-որ ձևով և չափով ներգործում է արտացոլող կառուցվածքի վրա: Այն արտացոլողի վրա թողնում է իր բացասական հետքերը: Բնականաբար հարց է ծագում, թե արտացոլող կառուցվածքը որքան ազեկվատ է արտացոլում արտացոլողին ստվյալ պայմաններում:

Քանի որ կառուցվածքների արտացոլման ժամանակ ոչ բոլոր հատկությունները և կողմերն են մասնակցում այդ պրոցեսին, ուստի նրանք մնում են պոտենցիալ (հնարավոր), բայց այլ պայմաններում՝ ակտուալ (գործուն): Այդ երկու կողմերը արտացոլման պրոցեսում անխզելի են և հանդիսանում են մատերիայի հատկությունը, որը հանդես է գալիս թե՛ կենդանի, թե՛ անկենդան բնության մեջ: Սովետական փիլիսոփա Վ. Տյուխտինը, օրինակ, բտնում է, որ արտացոլումը անկենդան աշխարհում համարվում է միայն պոտենցիալ հատկություն⁵: Նա, իհարկե, ճիշտ չէ: Որքանով որ իրականության մեջ չկան կառուցվածքներ, որոնք ինչ-որ չափով չարտացոլվեն և չարտացոլեն, ուստի նրանք գտնվում են ակտուալ և պոտենցիալ վիճակում: Տ. Պավլովը արտացոլման զարգացումը համարում է մատերիայի գիծը, որը տալիս է աշխարհի ամբողջական պատկերը⁶:

⁵ «Вопросы философии», 1962, № 5, стр. 71.

⁶ Тодор Павлов, Теория отражения, М., 1949, стр. 22.

Դա մարդուն հնարավորություն է տալիս կառուցվածքները հետազոտել տարբեր պայմաններում, հարաբերություններում և արտացոլումներում, որը թույլ է տալիս բացահայտել արտացոլման բազմազանությունը, դրանք ճանաչել խոր և բազմակողմանի: Այդ պրոցեսում մարդը արտացոլում և արտացոլվում է, և որպես արտացոլող բացահայտում է դրանց հիմքում ընկած օրենքները:

ЕДИНСТВО СТРУКТУРЫ, ОТРАЖЕНИЯ, ПРОСТРАНСТВА И ВРЕМЕНИ

ГАМЛЕТ СААКЯН

Резюме

В процессе отражения происходит взаимодействие материальных структур. При этом само отражение также приобретает структурность, т. е. возникает неразрывная связь между ними. Отражение осуществляется и благодаря наличию в структуре свойств пространства и времени, которые являются свойствами данной структуры и обуславливаются ею. Основой единства структуры, отражения, пространства и времени является материальная структура.